



KERAJAAN MALAYSIA

SURAT PEKELILING PERKHIDMATAN BILANGAN 14 TAHUN 2009

**KELAYAKAN SIJIL TINGGI AGAMA MALAYSIA
OLEH LEMBAGA PEPERIKSAAN BAGI MAKSUD PELANTIKAN
KE PERKHIDMATAN AWAM**

TUJUAN

1. Surat Pekeliling Perkhidmatan ini bertujuan untuk memaklumkan keputusan kelayakan Sijil Tinggi Agama Malaysia (STAM) yang dikeluarkan oleh Lembaga Peperiksaan, Kementerian Pelajaran Malaysia bagi maksud lantikan terus atau Kenaikan Pangkat Secara Lantikan (KPSL) ke perkhidmatan awam.

LATAR BELAKANG

2. Kerajaan telah mengiktiraf kelayakan STAM yang dikeluarkan oleh Lembaga Peperiksaan, Kementerian Pelajaran Malaysia setaraf dengan Sijil Tinggi Persekolahan Malaysia (STPM). Selaras dengan pengiktirafan tersebut, lulusan STAM boleh dipertimbang untuk dilantik terus atau KPSL ke perkhidmatan awam bagi mengisi jawatan yang mensyaratkan kelayakan masuk di peringkat STPM di mana bersesuaian. Senarai skim perkhidmatan berkuat kuasa yang mensyaratkan kelayakan masuk di peringkat STPM adalah seperti di **Lampiran A**.

KAEDAH PELAPORAN PENCAPAIAN KEPUTUSAN STAM

3. Format pernyataan keputusan peperiksaan STAM melaporkan peringkat bagi setiap mata pelajaran seperti berikut:

Peringkat	Takrif
<i>Mumtaz</i>	Cemerlang
<i>Jayyid Jiddan</i>	Sangat Baik
<i>Jayyid</i>	Baik
<i>Maqbul</i>	Lulus
<i>Rasib</i>	Gagal

KELAYAKAN STAM UNTUK LANTIKAN KE PERKHIDMATAN AWAM

4. Calon-calon yang memiliki kelayakan STAM boleh dilantik ke skim-skim perkhidmatan yang mensyaratkan kelayakan masuk STPM berdasarkan tahap kelulusan berikut:

- 4.1 lulus sekurang-kurangnya empat (4) mata pelajaran pada peringkat *Maqbul* dalam satu peperiksaan dengan kombinasi mata pelajaran berikut:
- (a) dua (2) mata pelajaran dalam bidang Bahasa Arab, satu (1) mata pelajaran dalam bidang Syariah dan satu (1) mata pelajaran dalam bidang Usuluddin; atau
 - (b) satu (1) mata pelajaran dalam bidang Bahasa Arab, dua (2) mata pelajaran dalam bidang Syariah dan satu (1) mata pelajaran dalam bidang Usuluddin; atau
 - (c) satu (1) mata pelajaran dalam bidang Bahasa Arab, satu (1) mata pelajaran dalam bidang Syariah dan dua (2) mata pelajaran dalam bidang Usuluddin; atau

- (d) dua (2) mata pelajaran dalam bidang Bahasa Arab dan dua (2) mata pelajaran dalam bidang Syariah; atau
- (e) dua (2) mata pelajaran dalam bidang Bahasa Arab dan dua (2) mata pelajaran dalam bidang Usuluddin; atau
- (f) dua (2) mata pelajaran dalam bidang Syariah dan dua (2) mata pelajaran dalam bidang Usuluddin; atau
- (g) tiga (3) mata pelajaran dalam bidang Bahasa Arab dan satu (1) mata pelajaran dalam bidang Syariah; atau
- (h) tiga (3) mata pelajaran dalam bidang Bahasa Arab dan satu (1) mata pelajaran dalam bidang Usuluddin; atau
- (i) satu (1) mata pelajaran dalam bidang Bahasa Arab dan tiga (3) mata pelajaran dalam bidang Usuluddin; atau
- (j) satu (1) mata pelajaran dalam bidang Syariah dan tiga (3) mata pelajaran dalam bidang Usuluddin.

atau

- 4.2 lulus sekurang-kurangnya empat (4) mata pelajaran pada peringkat *Maqbul* yang dikumpulkan daripada peperiksaan yang diduduki dalam tempoh tiga (3) tahun mulai dari tarikh keputusan peperiksaan yang pertama kali diduduki dengan kombinasi mata pelajaran seperti di perenggan 4.1 (a) hingga (j) di atas.

Senarai mata pelajaran STAM berdasarkan bidang yang ditetapkan adalah seperti berikut:

Bidang	Mata Pelajaran
Bahasa Arab	1. Nahu dan Sarf 2. Insya' dan Mutala'ah 3. Adab dan Nusus 4. 'Arudh dan Qafiyah 5. Balaghah
Syariah	6. Fiqh 7. Hadith dan Mustolah
Usuluddin	8. Hifz Al-Quran dan Tajwid 9. Tauhid dan Mantiq 10. Tafsir dan Ulumuhu

5. Calon yang tidak memiliki keputusan seperti di perenggan 4.1 atau 4.2 seperti di atas adalah tidak layak dipertimbang untuk maksud lantikan ke jawatan-jawatan dengan syarat lantikan STPM.

TINDAKAN PIHAK BERKUASA MELANTIK

6. Pihak Berkuasa Melantik hendaklah memasukkan kelayakan STAM seperti yang disebut di perenggan 4.1 dan 4.2 di atas dalam setiap iklan jawatan yang mensyaratkan kelulusan berkenaan atau kelayakan yang diiktiraf setaraf dengannya oleh kerajaan sebagai syarat lantikan.


TARIKH KUAT KUASA

7. Surat pekeliling perkhidmatan ini berkuat kuasa kepada calon yang memiliki kelayakan STAM mulai tahun 2000.

PENUTUP

8. Pihak Berkuasa Melantik juga adalah dinasihatkan untuk menghubungi Bahagian Pembangunan Organisasi, Jabatan Perkhidmatan Awam sekiranya terdapat sebarang pertanyaan mengenai pelaksanaan surat pekeliling perkhidmatan ini.

" BERKHIDMAT UNTUK NEGARA "



(TAN SRI ISMAIL ADAM)
Ketua Pengarah Perkhidmatan Awam
Malaysia

**JABATAN PERKHIDMATAN AWAM
MALAYSIA
PUTRAJAYA**

17 Disember 2009

Setiausaha Suruhanjaya Perkhidmatan Awam
Setiausaha Suruhanjaya Perkhidmatan Pelajaran
Setiausaha Suruhanjaya Pasukan Polis
Semua Ketua Setiausaha Kementerian
Semua Ketua Jabatan Persekutuan
Semua Y.B. Setiausaha Kerajaan Negeri
Setiausaha Suruhanjaya Perkhidmatan Awam Negeri
Semua Pihak Berkuasa Berkanun Persekutuan
Semua Pihak Berkuasa Berkanun Negeri
Semua Pihak Berkuasa Tempatan

**SKIM-SKIM PERKHIDMATAN YANG MEMPERUNTUK
SYARAT KELAYAKAN MASUK DI PERINGKAT STPM**

1.	Pereka	Gred B27
2.	Penolong Pegawai Kimia Bumi	Gred C27, C32, C38
3.	Penolong Pegawai Makmal Filem	Gred C27, C32, C38
4.	Penolong Pegawai Sains	Gred C27, C32, C38
5.	Penolong Pegawai Ehwat Ekonomi	Gred E27, E32, E38
6.	Penolong Pegawai Perangkaan	Gred E27, E32, E38
7.	Penolong Pengurus Taman/ Ladang	Gred G27, G32, G36
8.	Penolong Pegawai Keselamatan	Gred KP27, KP32, KP38
9.	Penolong Pegawai Pertahanan Awam	Gred KP27, KP32, KP38
10.	Penolong Penguasa Imigresen	Gred KP27, KP32, KP38
11.	Penolong Pegawai Pendaftaran	Gred KP27, KP32, KP38
12.	Penolong Penguasa Penjara	Gred KX27, KX32, KX38
13.	Jurubahasa	Gred L17, L22, L26
14.	Penolong Pegawai Syariah	Gred LS27, LS32, LS38
15.	Penolong Pegawai Tadbir	Gred N27, N32, N36
16.	Penolong Pegawai Penerbitan	Gred N27, N32, N36
17.	Penolong Pegawai Penguatkuasa	Gred N27, N32, N36
18.	Penolong Pengurus Asrama	Gred N27, N32, N36
19.	Penolong Pegawai Penyelidik Sosial	Gred N27, N32, N36
20.	Penolong Pegawai Tadbir Tanah	Gred N27, N32, N36
21.	Penghulu	Gred NP27, NP32, NP36, NP40
22.	Penolong Pegawai Penyelidik	Gred Q27, Q32, Q36
23.	Penolong Pegawai Hal Ehwat Islam	Gred S27, S32, S38
24.	Penolong Pegawai Arkib	Gred S27, S32, S38
25.	Penolong Kurator	Gred S27, S32, S38
26.	Penolong Pegawai Perpustakaan	Gred S27, S32, S38
27.	Penolong Pegawai Pembangunan Masyarakat	Gred S27, S32, S38
28.	Penolong Pegawai Belia dan Sukan	Gred S27, S32, S38
29.	Wartawan	Gred S27, S32
30.	Penolong Pegawai Perhubungan Perusahaan	Gred S27, S32, S38
31.	Penolong Pegawai Penerangan	Gred S27, S32, S38
32.	Penolong Pegawai Psikologi	Gred S27, S32, S38
33.	Penolong Pegawai Kesatria	Gred S27, S32, S38
34.	Penolong Pegawai Perancang Bahasa	Gred S27, S32, S38
35.	Penolong Pegawai Antidadah	Gred S27, S32, S38
36.	Penolong Penguasa Kastam	Gred W27, W32, W36
37.	Pegawai Penguatkuasa Maritim	Gred X13, X16
38.	Pegawai Rendah Polis dan Konstabel	Gred YA5, YA8, YA10